

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2011560913 և 2011574752 որոշումները անփոփոխ, իսկ վարչական բողոքն առանց բավարարման թողնելու մասին

<<13>> 10 2020թ. 7-13 - 12955

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռաֆայել Մհերյանի ՄԴ/134117-20 դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Արարատի մարզի Նոր Կյուրին գյուղի 1-ին փողոցի 1-ին փակուղու 5-րդ տան բնակիչ Ռաֆայել Մհերյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 2011560913 և 2011574752 որոշումներին՝ նշելով, որ չի ճանաչում նշված տրանսպորտային միջոցի սեփականատիրոջը միաժամանակ հայտնում է, որ ինքը չի շահագործում նշված ավտոմեքիլը:

Դիմումի քննարկման արդյունքում պարզվել է, որ վարչական տույժ նշանակելու մասին թիվ 2011560913 և 2011574752 որոշումներն ենթակա են կատարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հադվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության վարչական տույժ նշանակելու մասին թիվ 2011560913 որոշման անհատական ծածկագրի տակ գետեղված լուսանկարի լրացուցիչ ուսումնասիրության արդյունքում հստակ է դառնում, որ <<MAZDA>> մակնիշի 01MA051 հաշվառման համարանիշի տրանսպորտային միջոցը 18.08.2020թ-ին՝ ժամը 17:23-ին, Երևան քաղաքի Իսակովի պողոտայի հատվածում երթևեկելով 72կմ/ժ արագությամբ, հանելով արագաչափ սարքի

հնարավոր սխալանքի 10կմ/ժ չափը, գերազանցել է երթևեկության սահմանված արագությունը 2կմ/ժ-ով, ինչի համար պատասխանատվություն է նախատեսված <<Վարչական իրավախախտումների վերաբերյալ>> ՀՀ օրենսգրքի 124.4-րդ հոդվածի 1-ին մասով, ուստի դիմումատուին վարչական պատասխանատվության ենթարկելու մասին թիվ 2011560913 որոշումն իրավաչափ է և օրինական:

Ճանապարհային ոստիկանության վարչական տույժ նշանակելու մասին թիվ 2011574752 որոշման իրավախախտման PIN անհատական ծածկագրի տակ գետեղված տեսանյութի դանդաղեցված և դրվագային ուսումնասիրության արդյունքում հիմնավորվել է, որ <<MAZDA>> մակնիշի 01MA051 հաշվառման համարանիշի տրանսպորտային միջոցը 21.08.2020թ. ժամը՝ 17:27-ին Երևան քաղաքի Տիգրան Մեծ-Գլինկա փողոցների խաչմերուկի հատվածում համընթաց ուղղության տրանսպորտային հոսքերը բաժանող 1.1՝ հոծ գիծ գծանշումը չորս անիվներով ամբողջությամբ հատելու փաստը: Տեսանյութը փաստում է նաև, որ դիմումատուն հարկադրված չի եղել խախտելու ճանապարհային երթևեկության կանոնները:

Իսկ ինչ վերաբերվում է դիմումատուի պնդմանը, որ չի ճանաչում նշված տրանսպորտային միջոցի սեփականատիրոջը և ինքը չի շահագործում նշված ավտոմեքիլը, ապա ՃՈ <https://roadpolice.am/> կայքում որպես շահագործող 10.08.2020թ-ից գրանցված է դիմումատուն՝ Ռաֆայել Միերյանը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### **Ո Ր Ո Շ Ե Ց Ի**

1. Ճանապարհային ոստիկանության վարչական տույժ նշանակելու մասին թիվ 2011560913 և 2011574752 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվա հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ռաֆայել Միերյանին:

Կատարող՝ Է.Հովհաննիսյան  
Հեռ. 011544783



**Ե.Կարապետյան**